

একটি শুনানির অনুরোধ করা

আমি শ্রম বিভাগ (Department of Labor) এর নির্ধারণের বিজ্ঞপ্তি(Notice of Determination)র সঙ্গে একমত না হলে কী হবে?

আপনি নির্ধারণের বিজ্ঞপ্তির সঙ্গে একমত না হলে আপনি একটি শুনানির অনুরোধ করতে পারেন।

শুনানি কাকে বলে?

শুনানি হল এমন একটি ঘরোয়া প্রণালী যেখানে দাবিদার ও নিয়োগকর্তা নিজের নিজের অবস্থানের সমর্থনে সাক্ষ্য দিতে ও নথিপত্র পেশ করতে পারেন। প্রয়োজনমতো শ্রম বিভাগের প্রতিনিধিও শুনানিতে উপস্থিত থাকতে পারেন। শুনানি পরিচালনা করেন একজন প্রশাসনিক আইনের বিচারক (Administrative Law Judge - ALJ), যিনি নিরপেক্ষ থাকেন।

আমি একজন দাবিদার হলে আমি কীভাবে শুনানি চাইতে পারি?

- 1) অনলাইনে শুনানির অনুরোধ করতে <https://labor.ny.gov/signin>-তে যান ও আপনার NY.Gov অ্যাকাউন্টে সাইন ইন করুন। “আমার অনলাইন ফর্মগুলি” বেছে নিন। বাঁদিকের “পূরণ করার জন্য উপলব্ধ ফর্মগুলি” মেনুর অধীনে “দাবিদারের শুনানির অনুরোধ” ফর্মটি বেছে নিন। অনুগ্রহ করে ফর্মটি সম্পূর্ণ পূরণ করুন ও জমা দিন।
- 2) আপনি ডাকযোগে বা ফ্যাক্স করেও অনুরোধ করতে পারেন। একটি [দাবিদারের শুনানির জন্য অনুরোধের](#) ফর্ম জমা দিন যেটি দাবিদারের হ্যান্ডবুকের পিছনে পাওয়া যাবে। আপনি এই নীচের ঠিকানায় আপনার প্রথম নাম ও পদবি এবং আপনার সোশ্যাল সিকিউরিটি নম্বরের শেষ চারটি অঙ্ক সহ একটি চিঠিও লিখতে পারেন।

NYS Department of Labor
P.O. Box 15131
Albany, NY 12212-5131 or

অথবা এই নম্বরে ফ্যাক্স করুন:

518-457-9378

আমি একজন নিয়োগকর্তা হলে আমি কীভাবে শুনানি চাইতে পারি?

আপনার শুনানির অনুরোধ Unemployment Insurance Division, PO Box 15131, Albany, NY 12212-5131 ঠিকানায় জমা দিন। “নিয়োগকর্তার শুনানির অনুরোধ” এর ফর্মগুলিও অনলাইনে -এ পাওয়া যাবে <https://labor.ny.gov/ui/aso/hearing2.shtm>.

আপনার যে ঘটনাগুলিকে দাবিদারকে সুবিধা প্রত্যাখ্যান করার ভিত্তি বলে মনে হয়, আপনার সেগুলির বিশদ ব্যাখ্যা প্রদান করার প্রয়োজন।

আমি কীভাবে শুনানি প্রক্রিয়া বা আমার প্রাপ্ত কোনো নথি সম্পর্কে প্রশ্ন করার জন্য কারুর সঙ্গে কথা বলতে পারি?

আপনি দাবিদার হলে [বেকারত্ব বিমার দাবিদারের আইনজীবীর দপ্তর \(Unemployment Insurance Claimant Advocate Office\)](#) -এ সোমবার থেকে শুক্রবার সকাল 9টা থেকে বিকেল 4টের মধ্যে যোগাযোগ করুন:

নিঃশব্দ নম্বরে ফোন করুন: 855-528-5618

নিরাপদ বার্তা: <https://labor.ny.gov/signin>-এ লগ ইন করুন। খামের আইকন নির্বাচন করুন। পরের পৃষ্ঠায়, “বার্তা ইনবক্স” এর পাশের মেনু বোতাম টিপুন ও “নতুন রচনা করুন” বেছে নিন। বিষয়ের লাইনে “দাবিদারের আইনজীবীর দপ্তর” নির্বাচন করুন।

*দাবিদারের আইনজীবীর দপ্তরের কর্মীরা উকিল নন এবং শুনানিতে আপনার প্রতিনিধিত্ব করতে পারবেন না। আপনার কোনো অ্যাটর্নির বা কোনো নথিভুক্ত প্রতিনিধির অর্থপ্রদান করার সামর্থ্য না থাকলে আপনি কোনো বিনা পারিশ্রমিকের অ্যাটর্নি বা আপনার স্থানীয় লিগাল এড সোসাইটি বা আইনি পরিষেবা কার্যক্রমের থেকে বিনামূল্যে প্রতিনিধিত্ব পেতে পারেন। অ্যাটর্নি, রেজিস্টার্ড প্রতিনিধি, আইনি পরিষেবা কার্যক্রম ও বিনা পারিশ্রমিকের অ্যাটর্নিদের সংগঠন সহ আইনি সংস্থানের একটি তালিকার জন্য বেকারত্ব বিমা আপীল বোর্ড (Unemployment Insurance Appeal Board) এর ওয়েবসাইট <http://uiappeals.ny.gov>-এ যান। “সংস্থান” ট্যাবে ক্লিক করুন এবং তারপরে “অ্যাটর্নি ও অনুমোদিত এজেন্টদের তালিকা”য় ক্লিক করুন। আপনি (518) 402-0205 নম্বরে ফোন করেও এই তালিকার আবেদন করতে পারেন।

একটি শুনানির অনুরোধ করার কি কোনো সময়সীমা আছে?

প্রাথমিক নির্ধারণে মুদ্রিত তারিখের 30 দিনের মধ্যে শুনানির অনুরোধ ডাক-মোহর লাগানো, ফ্যাক্স করা বা বৈদ্যুতিন মাধ্যমে পাঠানো আবশ্যিক। সময়মতো শুনানির অনুরোধ করা জরুরি, নতুবা আপনি আপনার মামলার তথ্য সম্পর্কিত শুনানি পাওয়ার সুযোগ হারাতে পারেন।

আমাকে কি আমার শুনানির অনুরোধ কোনো নির্দিষ্ট দিন বা সময়ের জন্য করতে পারি?

শুনানিগুলির সময় সোমবার থেকে শুক্রবার সকাল 8:00টা ও বিকেল 4:00টের (EST) মধ্যে নির্ধারিত হয়। আপনি কোনো নির্দিষ্ট দিন বা সময়ের অনুরোধ করতে পারেন না। আপনি শুনানির জন্য অনুপলব্ধ থাকবেন এমন কোনো নির্দিষ্ট তারিখ বা সময় (ধর্মীয় স্বাচ্ছন্দ্যবিধান সহ) থেকে থাকলে আপনাকে আপনার শুনানির অনুরোধে আপনি কেন অনুপলব্ধ থাকবেন তার একটি ব্যাখ্যা সহ সেই তথ্য অন্তর্ভুক্ত করতে হবে।

শুনানির অপেক্ষা করার সময় আমাকে কি সুবিধাগুলির জন্য প্রত্যয়িত করতে থাকতে হবে?

হ্যাঁ। শুনানির আগে ও পরে উভয়তই অথবা আপনি আপীল বোর্ডের কাছে বা আদালতের কাছে আপীল করলে, আপনি যতদিন বেকার থাকবেন ও সুবিধা চাইবেন ততদিন পর্যন্ত আপনাকে প্রতি সপ্তাহে সুবিধাগুলির

জন্য প্রত্যয়িত করতে থাকতে হবে। আপনি প্রত্যয়িত করতে ব্যর্থ হলে আপনি সুবিধাগুলি হারাতে পারেন। আপনাকে বেকারত্ব বিমা দপ্তর থেকে পাওয়া যাবতীয় নির্দেশ অনুসরণ করতে হবে।

প্রশাসনিক আইনের বিচারক (ALJ) কে?

ALJ হলেন বেকারত্ব বিমা আপীল বোর্ডের কর্মীদের উর্ধ্বতন একজন নিরপেক্ষ সিদ্ধান্ত গ্রহণকারী এবং তিনি টেলিফোনে দাবি জানানোর কেন্দ্র (Telephone Claims Center - TCC) ও শ্রম বিভাগের সাপেক্ষে স্বাধীন।

ALJ শুনানিতে কী ভূমিকা পালন করেন?

ALJ এর নির্ধারণের বিজ্ঞপ্তিটি বজায় রাখার (সম্মত হওয়ার), অগ্রাহ্য করার (অসম্মত হওয়ার) বা পরিবর্তন করার (বদলানোর) অধিকার রয়েছে। ALJ পক্ষগুলিকে ও তাদের সাক্ষীদেরকে প্রশ্ন করার দ্বারা (যাদেরকে অবশ্যই শপথ নিয়ে বা নিশ্চিত প্রত্যয় করে বলতে হবে) এবং নথিপত্রগুলিকে প্রমাণ হিসেবে গ্রহণ করার দ্বারা শুনানি পরিচালনা করবেন। ALJ শুনানিতে উপস্থাপিত সাক্ষ্য ও প্রমাণগুলি পর্যালোচনা করবেন এবং দাবিদার সুবিধার অধিকারী কিনা সেসম্পর্কে লিখিত সিদ্ধান্ত প্রদান করবেন। কোনো কোনো মামলায়, ALJ সিদ্ধান্ত নেন যে একজন দাবিদার কর্মচারী হিসেবে কাজ করেছেন, নাকি স্বাধীন ঠিকাদার হিসেবে এবং কোনো ব্যবসা নিয়োগকর্তা হিসেবে বেকারত্ব বিমা তহবিলে অবদান রাখার জন্য দায়ী থাকবেন কিনা। আরও তথ্যের জন্য নীচে ‘শুনানিতে, শুনানির সময় কী কী হয়?’ এর নীচে দেখুন

আমি অনুরোধ করার পর কতো শীঘ্র শুনানি হবে?

সাধারণত: আপীল বোর্ড শ্রম বিভাগ থেকে শুনানির ফাইল পাওয়ার দুসপ্তাহ পর শুনানি নির্ধারিত হয়।
সাধারণত: আপনার অনুরোধের 30 দিনের মধ্যে শুনানি আয়োজিত হয়ে থাকে।

আমাকে শুনানির খবর কীভাবে দেওয়া হবে?

নির্ধারিত শুনানির অন্তত: 14 দিন আগে জড়িত সকল পক্ষ ও তাদের প্রতিনিধিদের ডাকযোগে শুনানির বিজ্ঞপ্তি পাঠানো হবে।

শুনানির বিজ্ঞপ্তিটি মনোযোগ সহকারে পড়ুন।

শুনানির বিজ্ঞপ্তিটিতে নিম্নলিখিত গুরুত্বপূর্ণ তথ্যসমূহ থাকবে:

- ALJ মামলার নম্বর(গুলি)
- যে সকল পক্ষ শুনানিতে উপস্থিত থাকবে নাম ও ঠিকানাগুলি
- শুনানির তারিখ ও সময়
- শুনানির স্থান
- প্রতিটি পক্ষ কীভাবে শুনানিতে উপস্থিত হবে (সশরীরে, নাকি টেলিফোন মারফৎ)
- শুনানির উদ্দেশ্য

- বিশেষ নির্দেশগুলি। বিশেষ নির্দেশগুলি যন্ত্র সহকারে পড়ুন। এগুলি আপনাকে শুনানিতে নথিপত্র বা সাক্ষী উপস্থাপিত করার ব্যাপারে পরামর্শ প্রদান করবে। আপনি শুনানিতে নথিপত্র বা সাক্ষী উপস্থাপিত করতে না পারলে আপনি কেন সেগুলি উপস্থাপিত করতে পারলেন না তা ব্যাখ্যা করার জন্য প্রস্তুত থাকুন। বিশেষ নির্দেশগুলি বিজ্ঞপ্তির সামনের বা পিছনের পৃষ্ঠায় থাকতে পারে।

আমার ফোন নম্বর আমার শুনানির বিজ্ঞপ্তিতে দেওয়া নম্বরের থেকে আলাদা হলে কী হবে?

আপনার টেলিফোন নম্বর আপডেট করতে যত শীঘ্র সম্ভব শুনানির দপ্তরে ফোন করুন। শুনানির দপ্তরের ফোন নম্বর শুনানির বিজ্ঞপ্তির একেবারে উপরে দেওয়া আছে।

আমি কি টেলিফোন মারফৎ অংশগ্রহণ করতে পারি?

শুনানির বিজ্ঞপ্তিতে আপনাকে শুনানির দপ্তরে আসতে বললে আপনাকে তা করার চেষ্টা করতে হবে। আপনি সশরীরে উপস্থিত হতে না পারলে আপনাকে শুনানির বিজ্ঞপ্তির একেবারে উপরে দেওয়া শুনানির স্থানে ফোন বা ফ্যাক্স করতে হবে এবং ফোনে শুনানির অনুরোধ করতে হবে। আপনার কী কারণে ফোনে শুনানির প্রয়োজন তা ব্যাখ্যা করুন। আপনার টেলিফোন মারফৎ অংশগ্রহণের অনুমতি রয়েছে কিনা তা আপনাকে বলে দেওয়া হবে।

আমার একজন দোভাষীর বা একটি বিশেষ চাহিদার স্বাচ্ছন্দ্যবিধানের প্রয়োজন হলে কী হবে?

আপনার বা আপনার সাক্ষীর ইংরেজি ভাষার দক্ষতা সীমাবদ্ধ হলে আপনি শুনানির সময় আপনাকে সহায়তা করতে দোভাষী পরিষেবার অনুরোধ করতে পারেন। শুনানির আগেই শুনানির বিজ্ঞপ্তির বিষয়ে শুনানির দপ্তরে যোগাযোগ করুন। কোনো খরচ ছাড়াই একজন দোভাষীর ব্যবস্থা করা হবে। যে কোনো কথ্য ভাষা বা সাঙ্কেতিক ভাষার জন্য ভাষা পরিষেবা প্রদান করা যেতে পারে।

আপনার বা আপনার সাক্ষীর যে কোনো ধরনের প্রতিবন্ধকতা থাকলে সকল পক্ষই যাতে শুনানিতে অংশগ্রহণ করতে পারে তা নিশ্চিত করতে ব্যবস্থা নেওয়া হবে। স্বাচ্ছন্দ্যবিধানের যে কোনো অনুরোধ শুনানির বিজ্ঞপ্তির একেবারে উপরে দেওয়া শুনানির দপ্তরের কাছে করতে হবে।

আমি শুনানি চাওয়ার পর আমি আরেকটি নির্ধারণের বিজ্ঞপ্তি পেলে কী হবে?

আপনি শুনানি চাওয়ার পর আপনি আরেকটি নির্ধারণের বিজ্ঞপ্তি পেলে সেই বিজ্ঞপ্তিতে দেওয়া নির্দেশগুলি যন্ত্র সহকারে পড়ুন। আপনি অতিরিক্ত কোনো নির্ধারণে অসম্মত হলে আপনার একটি নতুন শুনানির অনুরোধ করার প্রয়োজন হতে পারে। কখন ও কীভাবে শুনানির অনুরোধ করতে হয় সেসম্পর্কে নির্ধারণের বিজ্ঞপ্তির নির্দেশগুলি অনুসরণ করুন।

কোনো প্রাক্তন নিয়োগকর্তা আমাকে একটি শুনানি বা আপীল চাওয়ার থেকে আটকানোর চেষ্টা করলে কী হবে?

শ্রম আইন অনুসারে, কারুরই আপনার সুবিধার দাবি জানানোয় হস্তক্ষেপ করার অধিকার নেই। একটি অভিযোগ দায়ের করতে 888-4-NYSOL নম্বরে ফোন করুন এবং শ্রম মান (Labor Standards)

বিকল্পটি বেছে নিন অথবা শ্রম মান শাখা (Labor Standards Division) এর সঙ্গে যোগাযোগ করিয়ে দিতে বলুন।

শুনানির জন্য প্রস্তুত হওয়া

ওয়েবসাইটে দেওয়া ভিডিওটি দেখুন।

uiappeals.ny.gov-এ গিয়ে UIAB ওয়েবসাইটের "কীভাবে শুনানির জন্য প্রস্তুত হবেন" ভিডিওটি দেখুন। আপনি পেজে পৌঁছানোর পর নীচের দিকে নেমে আপনার যে ভাষায় দরকার সেই ভাষায় ভিডিওটি খুঁজে নিন। ভিডিওটি ইংরেজি, স্পেনীয়, হাইতিয়ান ক্রেওল, চীনা, রুশ, পোলিশ ও ইতালীয় ভাষায় সাবটাইটেল করা রয়েছে।

শুনানির বিজ্ঞপ্তিটি পড়ুন।

আপনাকে শুনানিতে কোনো নথিপত্র বা সাক্ষী নিয়ে আসতে হবে কিনা তা দেখে নিতে শুনানির বিজ্ঞপ্তিটি মনোযোগ সহকারে পড়ুন। শুনানির বিজ্ঞপ্তিটির কোনো পৃষ্ঠায় কোনো বিশেষ নির্দেশ দেওয়া রয়েছে কিনা দেখে নেওয়া নিশ্চিত করুন।

কোনো অ্যাটর্নির কি শুনানিতে আমার প্রতিনিধিত্ব করা প্রয়োজন রয়েছে?

আপনার শুনানিতে নিজের প্রতিনিধিত্ব করার জন্য একজন অ্যাটর্নি বা রেজিস্টার্ড প্রতিনিধির সঙ্গে যোগাযোগ করার অধিকার রয়েছে। আপনার কোনো অ্যাটর্নির দ্বারা প্রতিনিধিত্ব পাওয়া বাধ্যতামূলক নয়।

UIAB কি অ্যাটর্নি প্রদান বা তার নাম সুপারিশ করে?

বোর্ডের থেকে অ্যাটর্নি প্রদান বা তার নাম সুপারিশ করা হয় না, কিন্তু এখানে অ্যাটর্নিদের এবং দাবিদারদের প্রতিনিধি হিসেবে কাজ করতে পারেন এমন ব্যক্তি ও সংগঠনগুলির একটি তালিকা বজায় রাখা হয়। এই তালিকাটিতে নীচের লিঙ্কটি ব্যবহার করে প্রবেশ করা যাবে। একজন অ্যাটর্নি বা অন্য প্রতিনিধি প্রদত্ত পরিশেষার জন্য দাবিদারদের ফি ধার্য করতে পারেন, কিন্তু তা কেবল সিদ্ধান্ত দাবিদারের পক্ষে গেলেই এবং কেবলমাত্র বোর্ড সেই ফি অনুমোদন করার পরেই। এই তালিকায় সেই সংগঠনগুলির নামও দেওয়া রয়েছে যারা বিনামূল্যে আইনি পরিশেষাসমূহ প্রদান করেন।

https://uiappeals.ny.gov/LO424_4_Bengali

শুনানির ফাইল কাকে বলে?

শুনানির ফাইলে শ্রম বিভাগ তার নির্ধারণে উপনীত হতে যে নথিপত্র ব্যবহার করে, সেগুলি থাকে। এই নথিপত্রের মধ্যে শ্রম বিভাগের ফর্মগুলি, প্রশ্নাবলী দাবিদার বা নিয়োগকর্তার দ্বারা পূরণ করা লিখিত বিবৃতিগুলি এবং/অথবা শ্রম বিভাগের কোনো প্রতিনিধির দ্বারা প্রস্তুত করা টেলিফোন সাক্ষাৎকারগুলির সারসংক্ষেপ থাকতে পারে। শুনানিত ফাইলে শুনানির আগে দাবিদার বা নিয়োগকর্তার পাঠানো কোনো

নথিপত্রও থাকতে পারে। শুনানির ফাইলের কোনোকিছুই শুনানিতে প্রমাণ হিসেবে দাখিল করা না হলে ALJ দ্বারা সিদ্ধান্ত নেওয়ায় ব্যবহার করা যাবে না। আপনি কোনো নথিকে প্রমাণ হিসেবে দাখিল করতে চাইলে আপনাকে ALJ এর কাছে তার অনুরোধ করতে হবে।

আপনার শুনানির কেস ফাইল আগেই পর্যালোচনা করা

সকল শুনানি বর্তমানে টেলিফোনের মাধ্যমে হচ্ছে। আপনি আপনার শুনানির বিজ্ঞপ্তি সহ মেলে সমগ্র শুনানি ফাইলের একটি প্রতিলিপি পাবেন। সমগ্র শুনানির ফাইলটির একটি প্রতিলিপি আপনার শুনানির বিজ্ঞপ্তির সঙ্গে না এলে অবিলম্বে শুনানির বিজ্ঞপ্তির একেবারে উপরে দেওয়া শুনানির স্থানে ফোন নম্বরে ফোন করুন, আপনাকে একটি নতুন প্রতিলিপি পাঠানো হবে। যদি আপনি কোনও অ্যাটর্নি বা কোনও প্রতিনিধির সাথে সাক্ষাত করেন তবে আপনার সাথে আপনার কেস ফাইলের একটি প্রতিলিপি থাকতে হবে।

আপনার কোনো সাক্ষী থাকলে তাদেরকে উপস্থিত করার ব্যবস্থা করুন।

আপনার মামলায় সাহায্য করতে পারেন এমন কোনো সাক্ষীর সঙ্গে কথা বলা ও তাদেরকে শুনানিতে উপস্থিত করার ব্যবস্থা করা জরুরি। তারা সশরীরে উপস্থিত হতে না পারলে আপনি তাদের শুনানির সময় ফোনের মাধ্যমে উপলব্ধ করার ব্যবস্থা করতে পারেন। ALJ এর কাছে সাক্ষীর টেলিফোন নম্বরের প্রদান করার জন্য প্রস্তুত থাকুন।

আমি আমার প্রয়োজনীয় কোনো সাক্ষী বা নথিপত্র প্রাপ্ত করতে পারিনি অথবা আমার কোনো সাক্ষী রয়েছে যিনি শুনানির দিনে উপলব্ধ নন, তাহলে কী হবে?

শুনানিতে যাবেন এবং সাক্ষ্য দিতে ও আপনার প্রমাণের বাকি অংশ পেশ করতে প্রস্তুত থাকবেন। ALJ এর কাছে ব্যাখ্যা করে বলুন যে সাক্ষী কে বা নথিপত্রাদি কী কী, আপনি কেন সেগুলি শুনানিতে আনতে পারেননি এবং কেন সেই সাক্ষী বা নথি জরুরি। ALJ উপস্থিত না করা প্রমাণ জরুরি মনে করলে শুনানি মূলতুবি (স্থগিত) রাখা হতে পারে এবং এর সময় পরবর্তী কোনো তারিখে পুনর্নির্ধারিত হতে পারে অথবা সেটিকে আবার খোলার আবেদন করার অধিকার সহ বন্ধ করা হতে পারে। প্রয়োজনে ALJ আপনাকে নথি বা সাক্ষী পেতে সাহায্য করতে একটি সপিনা জারি করতে পারেন। কোনো সাক্ষী সশরীরে উপস্থিত হতে না পারলে আপনি সাক্ষীকে শুনানির সময় ফোনের মাধ্যমে উপলব্ধ করার ব্যবস্থা করতে পারেন। ALJ এর কাছে সাক্ষীর টেলিফোন নম্বরের প্রদান করার জন্য প্রস্তুত থাকুন।

সপিনা কাকে বলে?

সপিনা হল একটি আইনি নথি যা কোনো সাক্ষীকে শুনানিতে উপস্থিত হওয়ার আদেশ দিতে পারে অথবা কোনো কোম্পানি বা ব্যক্তিকে ALJ এর কাছে শুনানির জন্য নথিপত্র পাঠানোর আদেশ দিতে পারে।

আমি কীভাবে সপিনার অনুরোধ করবো?

আপনার কোনো অ্যাটর্নি থাকলে সেই অ্যাটর্নি আপনার হয়ে সপিনা জারি করাতে পারেন। আপনার কোনো অ্যাটর্নি না থাকলে আপনি আপনার শুনানির বিজ্ঞপ্তির একেবারে উপরে দেওয়া শুনানির দপ্তরে ফ্যাক্স বা ডাক মারফৎ যোগাযোগ করতে পারেন, যদি আপনার মনে হয় যে আপনার সপিনার প্রয়োজন রয়েছে।

আপনার নাম, মামলার নম্বর এবং যে ব্যক্তি বা কোম্পানির রেকর্ড আপনি সপিলাকৃত করতে চাইছেন তার নাম ও ঠিকানা, আপনি নিজে থেকে কেন সেই সাক্ষী বা নথি উপস্থিত করতে পারছেন না এবং সেই সাক্ষী বা নথি কী প্রমাণ করতে পারে দলে আপনি মনে করেন তা অন্তর্ভুক্ত করা নিশ্চিত করুন। আপনার অনুরোধ করার সঙ্গে সঙ্গেই তা মঞ্জুর করা এবং সপিলা জারি করা হতে পারে অথবা আপনাকে সরাসরি ALJ এর কাছে অনুরোধ করতে বলা হতে পারে, যিনি শুনানির সময় সিদ্ধান্ত নেবেন যে সপিলা জারি করতে হবে কিনা।

সপিলাকৃত সাক্ষী উপস্থিত না হলে বা সপিলাকৃত নথিপত্র পাঠানো না হলে কী হবে?

ALJ বিবেচনা করে দেখবেন যে আরেকবার মূলতুবি করা হবে কিনা অথবা বাকি প্রমাণের ভিত্তিতেই মামলার রায় দেওয়া হবে কিনা।

আমি কি শুনানির আগেই বিচারকের কাছে আমার মামলায় সাহায্য করতে পারে এমন নথিপত্র পাঠাতে পারি?

আপনি আপনার মামলার জন্য জরুরি মনে করেন এমন নথিপত্র শুনানির বিজ্ঞপ্তির একেবারে উপরে দেওয়া শুনানির স্থানের ঠিকানায় বা ফ্যাক্স নম্বরে ডাকযোগে বা ফ্যাক্স করে পাঠাতে পারেন। এই নথিপত্র শুনানির দপ্তরে শুনানির দিনের অন্ততঃ তিনদিন আগে পৌঁছতে হবে। আপনার নাম ও আপনার ALJ মামলার নম্বর অন্তর্ভুক্ত করা নিশ্চিত করুন। অপর পক্ষ টেলিফোন মারফৎ হাজিরা দিলে আপনাকে আপনার নথিপত্রের একটি করে প্রতিলিপি অপর পক্ষকে শুনানির বিজ্ঞপ্তির তালিকায় থাকা ঠিকানায় পাঠিয়ে দিতে হবে। আপনি আগে থেকে নথিপত্র পাঠাতে না পারলে আপনাকে সেগুলি সঙ্গে করে শুনানিতে আসতে হবে, তবে আপনাকে অবশ্যই নথিপত্রের তিনটি করে প্রতিলিপি নিয়ে আসতে হবে।

আমি কি ALJ এর সঙ্গে শুনানির আগে বা পরে যোগাযোগ করতে পারি?

ALJ এর শুনানির আগে বা পরে কোনো পক্ষের সঙ্গে কথা বলার অনুমত নেই। আপনার কোনো প্রশ্ন থাকলে আপনি শুনানির আগে শুনানির দপ্তরের কর্মীদের অথবা দাবিদারের আইনজীবীর দপ্তরের সঙ্গে কথা বলতে পারেন।

আমি কি নিজে উপস্থিত ছিলাম না এমন কোনো পুরনো শুনানির রেকর্ডিং শুনতে পারি?

আপনার নিজে উপস্থিত না থাকা কোনো পুরনো শুনানির রেকর্ডিং শোনার অধিকার রয়েছে। আপনি রেকর্ডিং শুনতে যে দপ্তরে তা পরিচালিত হয়েছে সেখানে আসতে পারেন অথবা শুনানির বিজ্ঞপ্তির একেবারে উপরে দেওয়া শুনানির দপ্তরে ফোন করে শুনানির রেকর্ডিং এর DVD এর অনুরোধ করতে পারেন। DVD এর খরচ \$10. আপনার \$10 প্রদানের সামর্থ্য না থাকলে আপনাকে অবশ্যই একটি ফর্মে স্বাক্ষর করে নির্দেশ করতে হবে যে আপনি DVD এর মূল্য প্রদানে অসমর্থ।

আমি কি সাক্ষীদের বিবৃতি জমা দিতে পারি?

হ্যাঁ, আপনি সাক্ষীদের বিবৃতি জমা দিতে পারেন; যদিও, সাক্ষীদের বিবৃতি জনশ্রুতিভিত্তিক সাক্ষ্য বলে বিবেচিত হয়। সরাসরি বিবৃতি দেওয়া সাক্ষীর (যে সব সাক্ষীর প্রকৃতপক্ষে সেই ঘটনা দেখেছেন বা

শুনেছেন যা শুনানিতে সমস্যা হিসেবে দেখা হয়) কী ঘটেছে তার বর্ণনা দিতে নথিপত্রের চেয়ে বা অন্য কোনো ব্যক্তির মুখে শুনে যে সাক্ষীরা কেবল তার পুনরাবৃত্তি করেন তাদের চেয়ে বেশি গুরুত্বপূর্ণ।

আমার মামলার জন্য প্রস্তুতি নিতে আমার কি আর কিছু পর্যালোচনা করা উচিত?

.আমাদের ওয়েবসাইটে বেকারস্ব বিমা আইন ও অন্যান্য আইনি সংস্থান অন্তর্ভুক্ত রয়েছে। সেইসঙ্গে, আপীল বোর্ডের অনুসন্ধানযোগ্য ডেটাবেসের একটি লিঙ্ক রয়েছে যাতে 2008 সাল পর্যন্ত ডেটা রয়েছে:

<https://uiappeals.ny.gov/decisions>. আপনি আপনার মামলার সমর্থনে আপনার শেষ বিবৃতিতে ALJ এর কাছে এই সিদ্ধান্তগুলি উল্লেখ করতে পারেন।

শুনানিতে

শুনানিতে কী হয়?

শুনানিতে ALJ যা যা করবেন:

- একটি প্রারম্ভিক বিবৃতি দেবেন যাতে সকল উপস্থিত ব্যক্তিকে সনাক্ত করা হবে, শুনানি কীভাবে এগোবে তার বর্ণনা দেওয়া হবে এবং পক্ষগুলির সমস্যা ও অধিকারগুলির রূপরেখা দেওয়া হবে।
- পক্ষগুলিকে প্রশ্ন করবেন ও জরুরি তথ্য প্রাপ্ত করবেন।
- পক্ষগুলিকে তাদের নিজের নিজের সাক্ষীদের ও অপর পক্ষের সাক্ষীদের প্রশ্ন করার সুযোগ দেবেন। ALJ সেইসব পক্ষকে সাহায্যও করবেন যাদের অপর পক্ষের সাক্ষীদেরকে প্রশ্ন করতে অসুবিধে হচ্ছে।
- নথিপত্রাদি রেকর্ডের অন্তর্ভুক্ত করা হবে কিনা সিদ্ধান্ত নেবেন।
- পক্ষগুলিকে রেকর্ডের অংশ এমন নথিপত্রের পর্যালোচনা করার ও আপত্তি জানানোর সুযোগ দেবেন।
- সাক্ষী, নথি বা রেকর্ডের ক্ষেত্রে সপিলা জারি করার কোনো অনুরোধের ব্যাপারে সিদ্ধান্ত নেবেন।
- পক্ষগুলিকে নিজেদের মামলা উপস্থাপনায় মামলার ফাইলের নথি ব্যবহারের সুযোগ দেবেন।
- পক্ষগুলিকে নিজেদের শুনানির শেষে একটি বিবৃতি দেওয়ার সুযোগ দেবেন।

আমি শুনানিতে দেবী করে গেলে কী হবে?

আপনি শুনানিতে দেবী করে গেলে আপনাকে অংশগ্রহণ করতে না দেওয়াও হতে পারে। আপনিই শুনানির অনুরোধ করে থাকলে ডিফল্ট বা অনুপস্থিতির সিদ্ধান্ত জারি করা হবে। আপনি শুনানির অনুরোধ না করে থাকলে সেই একটিমাত্র পক্ষ নিয়েই শুনানি চলতে থাকবে যিনি অনুরোধ করেছেন এবং সিদ্ধান্ত জারি করা হবে।

আমি ALJ এর থেকে আমার ফোনে শুনানির কল না পেলে কী হবে?

শুনানির সময়ের প্রথম 15 মিনিটের মধ্যে শুনানির বিস্তারিত একেবারে উপরে থাকা শুনানির দপ্তরে ফোন করুন।

একটি শুনানি কতক্ষণ চলে?

সাধারণতঃ, শুনানিগুলিতে 45 থেকে 90 মিনিট সময় লাগে। শুনানিতে একাধিক সমস্যার সমাধান করতে হলে এর সময়সীমা আরও বর্ধিত করে নির্ধারিত করা হতে পারে। যদিও, একটি শুনানি বিচারক তার সিদ্ধান্ত নিতে জরুরি প্রমাণ সংগ্রহ যতক্ষণ সময় নেবেন ততক্ষণ ধরে চলবে। কোনো কোনো শুনানি নির্ধারিত সময়সীমার মধ্যেই শেষ হবে না এবং মূলতুবি করতে হবে (আরেকদিন অগ্রসর হবে)।

আমি কি আমার মামলার জন্য জরুরি টেক্সট মেসেজ দেখাতে বা ভিডিও চালাতে বা অডিও বাজাতে পারবো?

হ্যাঁ। সম্ভব হলে, টেক্সট মেসেজগুলিকে শুনানির আগে মুদ্রিত করে ফেলুন, যাতে এর ছাপা প্রতিলিপিগুলি প্রমাণ হিসেবে প্রবেশ করানো যায়। আপনার টেক্সট মেসেজ মুদ্রিত করার সামর্থ্য না থাকলে আপনি টেক্সট মেসেজগুলিকে সশরীরে শুনানিতে পড়ে শোনাতে পারেন, কিন্তু ALJ ও অপর পক্ষের হাতে নিজের সেলফোন দিতে প্রস্তুত থাকুন যাতে তারা নিজেরা সেই মেসেজগুলি পড়ে নিতে পারেন। আপনি টেলিফোন মারফৎ অংশগ্রহণ করলে আপনার টেক্সট মেসেজগুলিকে মুদ্রিত করা ও শুনানির আগে ALJ ও অপর পক্ষের কাছে পাঠানোর প্রয়োজন হবে।

আপনি যদি চান যে ALJ একটি ভিডিও বা অডিও রেকর্ডিং বিবেচনা করুন, আপনাকে অবশ্যই ALJ ও অপর পক্ষের জন্য তার প্রতিলিপি করাতে হবে। শুনানিতে ব্যবহারযোগ্য ফরম্যাটগুলির একটি তালিকা দেওয়া থাকবে।

আমি কি শুনানি রেকর্ড করতে পারি?

না। শুনানিটি U। আপীল বোর্ড দ্বারা রেকর্ড করা হবে। ALJ এর সিদ্ধান্তের বিরুদ্ধে আপীল করা হলে আপনি বিনা শুদ্ধে একটি ট্রানস্ক্রিপ্টের অনুরোধ করতে পারেন। ALJ এর সিদ্ধান্তের বিরুদ্ধে আপীল করা না হলে আপনি ফি প্রদানের মাধ্যমে শুনানির রেকর্ডিং এর একটি প্রতিলিপি বা ট্রানস্ক্রিপ্ট পেতে পারেন।

আমি কি শুনানি পরবর্তী কোনো সংক্ষিপ্তসার জমা দিতে পারি কি?

শুনানি পরবর্তী কোনো সংক্ষিপ্তসার গ্রহণ করা হয় না। আপনাকে ও/বা আপনার প্রতিনিধি বা অ্যাটর্নিকে আপনাদের যাবতীয় প্রমাণ ও/বা আইনি তর্ক শুনানিতেই পেশ করতে হবে।

শুনানি মূলতুবি (স্বগিত) করা

আমি কি শুনানি মূলতুবি (স্বগিত) করাতে পারি?

আপনার নিজের নির্ধারিত শুনানিতে উপস্থিত হওয়া জরুরি। আপনি আপনার শুনানিতে উপস্থিত হতে না পারলে আপনি কেন উপস্থিত হতে পারবেন না তা ব্যাখ্যা করতে শুনানির বিজ্ঞপ্তির একেবারে উপরে থাকা শুনানির দপ্তরে যত শীঘ্র সম্ভব যোগাযোগ করুন। আপনি কেন উপস্থিত হতে পারবেন না তার কারণগুলির ভিত্তিতে বিচারক সিদ্ধান্ত নেবেন যে আপনাকে শুনানি থেকে অব্যাহতি দেওয়া যায় কিনা এবং শুনানি মূলতুবি (স্বগিত) করা হবে কিনা। আপনার মামলা সংক্রান্ত যে কোনো যোগাযোগে শুনানির বিজ্ঞপ্তির

একেবারে উপরে থাকা ALJ মামলার নম্বর থাকতে হবে। শুনানির দপ্তরের কর্মীরা আপনাকে বলে দেবেন যে আপনার স্বগিত করার অনুরোধ মঞ্জুর করা হয়েছে কিনা।

যে পক্ষ শুনানির অনুরোধ করেছে তারা যতক্ষণ উপস্থিত থাকবেন ততক্ষণ শুনানি চলতে থাকবে, এমনকি অনুরোধ না করা পক্ষ উপস্থিত না হলেও। ALJ শুধুমাত্র উপস্থিত পক্ষের সাক্ষ্যপ্রমাণ ও পেশ করা নথিপত্রের ভিত্তিতেই একটি সিদ্ধান্ত জারি করবেন।

আপনি শুনানিতে উপস্থিত না হলে ও সিদ্ধান্ত আপনার পক্ষে না গেলে আপনি মামলাটি আবার করে খোলার জন্য আবেদন করতে পারেন। আবার করে খোলার জন্য আবেদন কেবল তখনই মঞ্জুর করা হবে যদি আপনি শুনানিতে উপস্থিত না থাকার যথেষ্ট কারণ দেখাতে পারেন এবং আপনি যুক্তিসঙ্গত সময়ের মধ্যে শুনানিটি আবার করে খোলার জন্য আবেদন করেন।

একটি শুনানি স্বগিত করার কারণগুলি কী কী হতে পারে?

শুনানি বিভিন্ন ধরনের যথেষ্ট কারণ থাকলে শুনানির আগে কোনো পক্ষের অনুরোধে স্বগিত করা যেতে পারে। উদাহরণগুলির মধ্যে পড়ে, কোনো পক্ষের বা পক্ষের প্রতিনিধি বা অ্যাটার্নির একই সময়ে আরেকটি আইনি মামলা পড়ে গেছে অথবা দাবিদার বা নিয়োগকর্তার গুরুত্বপূর্ণ সাক্ষীর জুরির কর্তব্য বা স্বল্প সময়ের (উদাহরণস্বরূপ, ন্যাশনাল গার্ডের একটি স্বল্প সময়ের কর্তব্য) সামরিক কর্তব্য পড়ে গেছে।

আমি আমার মূলতুবি (স্বগিত) করার অনুরোধের কোনো উত্তর না পেলে কী করবো?

আপনার অনুরোধের পিছনে লেগে থাকতে শুনানির দিনের আগেরদিন শুনানির দপ্তরে ফোন করুন। আপনি আপনার শুনানির নির্ধারিত সময়ের আগে কোনো উত্তর না পেলে আপনাকে শুনানিতে উপস্থিত থাকতে হবে।

একটি স্বগিত করা মামলার সময় পুনর্নির্ধারণ করতে কতো সময় লাগে?

সাধারণভাবে, একটি মূলতুবি হওয়া শুনানির সময় দুই থেকে তিন সপ্তাহের মধ্যে আবার করে নির্ধারণ করা হয়। ALJ রেকর্ডের জন্য সপিনা জারি করে থাকলে এতে আরও বেশি সময় লাগতে পারে।

আমি কোনো অ্যাটার্নি বা অন্য প্রতিনিধির খোঁজ পাইনি বলে আমার মূলতুবি (স্বগিত) করার প্রয়োজন হলে কী হবে?

আপনাকে ALJ-কে জানাতে হবে যে আপনি অ্যাটার্নি বা অন্য প্রতিনিধির খোঁজ করার চেষ্টা করেছেন, কিন্তু সফল হননি। ALJ আপনাকে অ্যাটার্নি বা অন্য প্রতিনিধির খোঁজ পাওয়ার পরেই মামলাটি আবার করে খোলার অনুমতি দিতে পারেন।

আমি শুনানিতে উপস্থিত না হলে কী হবে?

- 1) আমি শুনানির অনুরোধ করেছিলাম

শুনানি চালাতে গেলে অনুরোধ করা পক্ষকে অবশ্যই শুনানিতে উপস্থিত থাকতে হবে। আপনি শুনানির অনুরোধ করে থাকলে এবং উপস্থিত না হলে একটি অনুপস্থিতির সিদ্ধান্ত জারি করা হবে। এর অর্থ হল, শুনানি বন্ধ করা হয়েছে এবং শ্রম নির্ধারণ বিভাগ কার্যকর থাকবে।

যে শুনানিটি নির্ধারিত ছিল সেটিতে উপস্থিত না হয়েও এবং মামলাটি বন্ধ হওয়ার পরেও আপনি একটি শুনানি পেতে চাইলে আপনাকে অবশ্যই মামলাটি আবার করে খোলার জন্য আবেদন করতে হবে। আপনার মামলাটি আবার করে খোলার অনুরোধটি সিদ্ধান্তের সামনের পৃষ্ঠায় দেওয়া ঠিকানায় বা ফ্যাক্স নম্বরে আপনি নতুন শুনানিতে উপস্থিত হওয়ার জন্য প্রস্তুত হওয়ামাত্র ডাকযোগে বা ফ্যাক্স করে পাঠান। আপনার অনুরোধে মামলার নম্বর ও আপনি যে কারণে শুনানিতে উপস্থিত হননি তা থাকতে হবে। আপনি কী কারণে শুনানিতে উপস্থিত হননি তার সমর্থনে কোনো নথিপত্র থাকলে তা সংযুক্ত করুন। পরবর্তী 45 দিনের মধ্যে আপনি কোনো তারিখে শুনানির জন্য উপলব্ধ না থাকলে তার তালিকা প্রদান করুন। আমরা যথাসাধ্য চেষ্টা করবো যাতে আপনি উপস্থিত হতে পারেন এমন কোনো তারিখে পরবর্তী শুনানি নির্ধারিত করা যায়।

ALJ এর দ্বারা আবার করে খোলার আবেদন কেবল তখনই মঞ্জুর করা যাবে যখন আপনি আগের শুনানিতে উপস্থিত না থাকার যথেষ্ট কারণ দেখাতে পারবেন এবং আপনি যদি যুক্তিসঙ্গত সময়ের মধ্যে আবার করে খোলার অনুরোধ করে থাকেন।

কাকে “যুক্তিসঙ্গত সময়” বলে বিবেচনা করা হবে তা পরিস্থিতির উপর নির্ভর করবে। আপনাকে অবিলম্বে সেই সমস্যা সমাধান করার পদক্ষেপ নিতে হবে যা আপনার শুনানিতে উপস্থিত না থাকার কারণ হয়েছে। উদাহরণস্বরূপ, আপনি কোনো অ্যাটর্নির খোঁজ করতে চাইলে, সঙ্গে সঙ্গে অ্যাটর্নির খোঁজ করতে শুরু করুন। আপনার নথিপত্র প্রাপ্ত করার প্রয়োজন হলে (টেলিফোনের রেকর্ড, উদাহরণস্বরূপ) সঙ্গে সঙ্গে আপনার টেলিফোন কোম্পানিকে আপনার অনুরোধ পাঠান। ALJ আপনাকে ব্যাখ্যা করতে বলতে পারেন যে আপনি শুনানিতে উপস্থিত না থাকার পর সমস্যার সমাধান করতে কী কী করেছেন।

2) অপরপক্ষ শুনানির অনুরোধ করেছেন

যে পক্ষ শুনানির অনুরোধ করেছে তারা যতক্ষণ উপস্থিত থাকবেন ততক্ষণ শুনানি চলতে থাকবে, এমনকি অনুরোধ না করা পক্ষ উপস্থিত না হলেও। ALJ শুধুমাত্র উপস্থিত পক্ষের সাক্ষ্যপ্রমাণ ও পেশ করা নথিপত্রের ভিত্তিতেই একটি সিদ্ধান্ত জারি করবেন।

সিদ্ধান্ত আপনার পক্ষে না গেলে এবং আপনি সেটিকে চ্যালেঞ্জ করতে চাইলে আপনি মামলাটি আবার করে খোলার অনুরোধ করতে পারেন। আবার করে খোলার জন্য আবেদন কেবল তখনই মঞ্জুর করা হবে যদি আপনি শুনানিতে উপস্থিত না থাকার যথেষ্ট কারণ দেখাতে পারেন এবং আপনি যুক্তিসঙ্গত সময়ের মধ্যে শুনানিটি আবার করে খোলার জন্য আবেদন করেন।

কাকে “যুক্তিসঙ্গত সময়” বলে বিবেচনা করা হবে তা পরিস্থিতির উপর নির্ভর করবে। আপনাকে অবিলম্বে সেই সমস্যা সমাধান করার পদক্ষেপ নিতে হবে যা আপনার শুনানিতে উপস্থিত না থাকার কারণ হয়েছে। উদাহরণস্বরূপ, আপনি কোনো অ্যাটর্নির খোঁজ করতে চাইলে, সঙ্গে সঙ্গে অ্যাটর্নির খোঁজ করতে শুরু করুন। আপনার নথিপত্র প্রাপ্ত করার প্রয়োজন হলে (টেলিফোনের রেকর্ড, উদাহরণস্বরূপ)

সঙ্গে সঙ্গে আপনার টেলিফোন কোম্পানিকে আপনার অনুরোধ পাঠান। ALJ আপনাকে ব্যাখ্যা করতে বলবেন যে আপনি শুনানিতে উপস্থিত না থাকার পর সমস্যার সমাধান করতে কী কী করেছেন।

শুনানির স্থানে শুনানির আগে (সশরীরে শুনানির জন্য) আপনার শুনানি আবার করে খোলার আগে আপনার মামলার ফাইলটির পর্যালোচনা করুন ও আগেকার কোনো শুনানির রেকর্ডিং শুনুন। যাবতীয় শুনানির দপ্তর সকাল 8:00টা থেকে বিকেল 4:00টে পর্যন্ত খোলা থাকে। শুনানির অনেক আগেই শুনানির স্থানে আপনার শুনানির বিজ্ঞপ্তিটি নিয়ে আসুন এবং মামলার ফাইল দেখার ও/বা প্রতিলিপি করার অনুরোধ করুন। আপনার কোনো আর্থিক অসুবিধা থাকলে আপনি একটি স্বয়ংত্যাগ পূরণ করতে ও একটি বিনামূল্যের প্রতিলিপির অনুরোধ করতে পারেন। আপনি আইনি প্রতিনিধিত্বের খোঁজ করলে আপনার হাতে আপনার মামলার ফাইলের একটি প্রতিলিপি প্রস্তুত রাখতে হবে, যাতে অ্যাটর্নি তা পর্যালোচনা করতে পারেন।

একটি পক্ষ কতবার আবার করে খোলার অনুরোধ করতে পারে?

বিজ্ঞপ্তি পাওয়ার পর বেকারস্ব বিমার শুনানিতে উপস্থিত না হওয়া কোনো পক্ষ কেবল একবারই আবার করে খোলার অনুরোধ করতে পারে। আপনি উপস্থিত হতে না পারলে বা একটি দ্বিতীয় শুনানিতে অগ্রসর হলে আবার করে খোলার যে কোনো অনুরোধ আপীল বোর্ডের কাছে করা আবশ্যিক। বোর্ড কেবল তখনই আরেকটি শুনানি মঞ্জুর করবেন, যখন তারা নির্ধারণ করবেন যে যথেষ্ট কারণবশতঃ আগের উভয় শুনানিতে আপনি উপস্থিত হতে পারেননি।

শুনানির পরে

শুনানির পরে কী হয়?

শুনানির অন্তর্গত পরে ALJ শুনানির সময় রেকর্ডের অংশ হিসেবে অন্তর্ভুক্ত করা সাক্ষ্য ও নমুনাগুলির (নথিপত্র, ভিডিও বা জিনিশপত্র) ভিত্তিতে একটি লিখিত সিদ্ধান্ত জারি করবেন। সিদ্ধান্তের মধ্যে ALJ এর সত্য বলে পাওয়া ঘটনাগুলি এবং আইনের ভিত্তিতে প্রতিটি নির্ধারণ বজায় রাখার বা অগ্রাহ্য করার কারণগুলি অন্তর্ভুক্ত থাকবে। আপনি সিদ্ধান্তটি বুঝতে না পারলে শুনানির বিজ্ঞপ্তির একেবারে উপরে থাকা শুনানির স্থানের ফোন নম্বরে অবিলম্বে ফোন করুন ও ব্যাখ্যা চান। দাবিদারগণ দাবিদারের আইনজীবীর দপ্তরে 855-528-5618 নম্বরে নিঃশব্দে ফোন করতে পারেন।

শুনানির কতদিন পরে আমি ALJ'র সিদ্ধান্ত পাবো?

শুনানির পর যত শীঘ্র সম্ভব আপনাকে সিদ্ধান্তটি ডাকযোগে পাঠিয়ে দেওয়া হবে। আপনি তিন সপ্তাহের মধ্যে কোনো সিদ্ধান্ত না পেলে যে দপ্তরে আপনার শুনানি হয়েছিল সেখানে যোগাযোগ করুন (ফোন নম্বর শুনানির বিজ্ঞপ্তির একেবারে উপরে দেওয়া আছে)।

শুনানির পর কি আমি কোনো অতিরিক্ত প্রমাণ বা লিখিত বিবৃতি জমা দিতে পারি?

না। ALJ কেবল শুনানিতে উপস্থিত করা সাক্ষ্য ও নমুনাগুলির ভিত্তিতেই সিদ্ধান্ত নেবেন। আপনাকে অবশ্যই শুনানি বন্ধ হওয়ার আগেই আপনার যাবতীয় প্রমাণ জমা দিতে হবে। আপনি শুনানিতে আপনার শেষ বিবৃতিতে আপনার কী কারণে মনে হয় যে সিদ্ধান্ত আপনার পক্ষে যাওয়া উচিত তা বলতে পারেন।

আমি ALJ'র সিদ্ধান্তের সঙ্গে একমত না হলে কী হবে?

আপনি শুনানিতে উপস্থিত থাকলে এবং মামলায় পুরোপুরি বা আংশিকভাবে হেরে গেলে আপনি আপীল বোর্ডের কাছে আপীল করতে পারেন। সিদ্ধান্তের মধ্যে কীভাবে আপীল দায়ের করবেন তার নির্দেশগুলি দেওয়া থাকতে পারে। আপীলটি ALJ'র সিদ্ধান্তের সামনে মুদ্রিত বা স্ট্যাম্প দেওয়া তারিখের অনধিক 20 দিনের মধ্যে ডাক-মোহর লাগানো বা ফ্যাক্স করা হতে হবে।

আপীলটি অবশ্যই লিখিতভাবে করতে হবে। আপীল বোর্ডের কাছে PO Box 15126, Albany, NY 12212-5126 ঠিকানায় একটি চিঠি পাঠান অথবা 518-402-6208 নম্বরে ফ্যাক্স করুন। আপনার আপীলের অনুরোধে ALJ মামলার নম্বরটি অন্তর্ভুক্ত করা নিশ্চিত করুন। বোর্ডের পাঁচজন সদস্যের মধ্যে এক বা একাধিক জন ALJ শুনানির সিদ্ধান্তে উপনীত হওয়ার কারণগুলি পর্যালোচনা করবেন এবং একটি সিদ্ধান্ত প্রদান করবেন। এটি একটি লিখিত প্রক্রিয়া। বোর্ডের থেকে অতিরিক্ত শুনানির প্রয়োজন রয়েছে বলে সিদ্ধান্ত করা না হলে আর কোনো শুনানি নির্ধারিত হবে না।

ALJ'র সিদ্ধান্ত আমার পক্ষে গেলে কি মামলা শেষ হয়ে যাবে?

সবসময় নয়। অপরপক্ষ শুনানিতে উপস্থিত থাকলে এবং ALJ'র সিদ্ধান্তের সঙ্গে একমত না হলে তারাও আপীল বোর্ডের কাছে আপীল করতে পারেন। অপরপক্ষ উপস্থিত না থাকলে অপরপক্ষ মামলাটি আবার করে খোলার অনুরোধ করতে পারে যা নতুন কোনো সিদ্ধান্ত পাওয়া যেতে পারে। শ্রম কমিশনারও আপীল বোর্ডে আপীল করতে পারেন, এমনকি শুনানিতে শ্রম কমিশনারের কোনো প্রতিনিধি না থাকলেও।

বোর্ডের কাছে আপীলের অনুরোধ করা পর কী হবে?

আপনার বা অপরপক্ষের দ্বারা আপীলের অনুরোধ জমা দেওয়া হয়ে গেলে পর সকল পক্ষকে আপীল গ্রহণ করার একটি বিজ্ঞপ্তি পাঠানো হবে, যাতে কীভাবে শুনানির একটি ট্রানস্ক্রিপ্ট পাওয়া যাবে ও কীভাবে একটি বিবৃতি জমা দিতে হবে তৎসম্পর্কিত নির্দেশগুলি দেওয়া থাকবে।

আমি ALJ'র সিদ্ধান্তের সঙ্গে একমত না হওয়ার কারণে একটি আপীলের অনুরোধ করে থাকলে আমি কীভাবে শুনানির একটি ট্রানস্ক্রিপ্টের অনুরোধ করবো? আমি কীভাবে তা পাবো?

আপনি ALJ'র শুনানির সিদ্ধান্তের সঙ্গে একমত না হলে এবং বোর্ডের কাছে আপীলের অনুরোধ করে থাকলে আপনাকে অবশ্যই আপীল প্রাপ্তির বিজ্ঞপ্তির তারিখের সাতদিনের মধ্যে একটি ট্রানস্ক্রিপ্টের অনুরোধ করতে হবে। আপনি একটি কাগজে ছাপা ট্রানস্ক্রিপ্ট, একটি CD/DVD ট্রানস্ক্রিপ্টের ইমেল এর মধ্যে যে কোনো একটির অনুরোধ করতে পারেন যা আপনি বিনামূল্যে পাবেন। কাগজে ছাপা ট্রানস্ক্রিপ্ট আপনাকে মার্কিন ডাক পরিষেবার (US Postal Service) মাধ্যমে ডাকযোগে পাঠানো হবে। আপনি ট্রানস্ক্রিপ্টের প্রতিলিপির

অনুরোধ করার সময় আপনার ইমেল অ্যাড্রেস প্রদান করলে আমরা ট্রানস্ক্রিপ্টের প্রতিলিপি নিরাপদ (সংকেতায়িত) ইমেল মারফৎ ইমেল করে দিতে পারি।

আপীল বোর্ডের কাছে ALJ'র শুনানির সিদ্ধান্তের বিরুদ্ধে আপীল করার পর আপনার শুনানির ট্রানস্ক্রিপ্টের অনুরোধ করতে আপনার অনুরোধ লিখিতভাবে এখানে জমা দিন:

Unemployment Insurance Appeal Board
PO Box 15126
Albany, New York 12212-5131
অথবা
ফ্যাক্স করুন: 518-402-6208

আমি ALJ'র শুনানির সিদ্ধান্তের বিরুদ্ধে আপীল করতে না চাইলে কীভাবে আমার শুনানির ট্রানস্ক্রিপ্টের অনুরোধ করতে পারি?

আপনার শুনানি সম্পূর্ণ হয়ে গেছে এবং আপনি ALJ'র শুনানির সিদ্ধান্তের বিরুদ্ধে আপীল করতে চান না, তৎসঙ্গেও আপনি শুনানির ট্রানস্ক্রিপ্টের একটি প্রতিলিপি চাইলে লিখিতভাবে ট্রানস্ক্রিপ্টের একটি প্রতিলিপির অনুরোধ করুন এবং আপনার নাম, ঠিকানা, টেলিফোন নম্বর, স্বাক্ষর, মামলার নম্বর ও প্রতিটি শুনানির তারিখ অন্তর্ভুক্ত করুন ও সেইসঙ্গে নীচের ঠিকানায় শ্রম বিভাগের উদ্দেশ্যে প্রদেয় \$75 জমা দিন। জমা দেওয়া অর্থ ফেরতযোগ্য নয় এবং তার থেকে ট্রানস্ক্রিপ্টের জন্য হওয়া মোট খরচ কেটে নেওয়া হবে।

Unemployment Insurance Appeal Board
Attention: Transcripts
PO Box 29002
Brooklyn, New York 11202-9002

অথবা 718-613-3500 নম্বরে ফোন করুন, বিনামূল্যে তথ্য পাওয়ার ও পরবর্তী নির্দেশের জন্য।

আপীল বোর্ডকে ট্রানস্ক্রিপ্টের আদেশ অবশ্যই কোনো বহিঃস্থ বিক্রেতাকে দিতে হবে। এর খরচ পৃষ্ঠা প্রতি \$2.70. আপনার রেকর্ডিং ট্রানস্ক্রাইব করাতে আপীল বোর্ডকে অবশ্যই ট্রানস্ক্রিপশনের খরচ প্রদান করতে হবে। আপনার শুনানির দৈর্ঘ্যের উপর নির্ভর করে ট্রানস্ক্রিপ্টের খরচ বাড়তে পারে। খরচ সম্পর্কে আরও জানতে উপরের নম্বরে ফোন করে নেওয়াই সবচেয়ে ভালো।

আপনি কোনো অ্যাটর্নি জাতীয় কোনো তৃতীয়পক্ষ হলে এবং অন্য কারুর শুনানির ট্রানস্ক্রিপ্টের অনুরোধ করতে চাইলে আরও তথ্যের জন্য অনুগ্রহ করে 718-613-3500 নম্বরে ফোন করুন।

আমি কি ট্রানস্ক্রিপ্টের অনুরোধ না করেও একটি বিবৃতি জমা দিতে পারি?

হ্যাঁ। আপনি আপীলের প্রাপ্তির বিজ্ঞপ্তির তারিখের সাতদিনের মধ্যে একটি লিখিত বিবৃতি জমা দিতে পারেন।

আমি কি আবার সাক্ষ্য দিতে বা মামলায় আরও কিছু যোগ করতে পারি?

বেশিরভাগ ক্ষেত্রে আর কোনো শুনানি হবে না আপীল বোর্ডের সদস্য(গণ) ALJ'র শুনানির থেকে পাওয়া রেকর্ডের ভিত্তিতে মামলার সিদ্ধান্ত নেবেন। বোর্ডের কোনো সদস্য কোনো সময় আরেকটি শুনানির প্রয়োজন রয়েছে বলে সিদ্ধান্ত নিলে আপনাকে একটি বিজ্ঞপ্তি পাঠানো হবে। বোর্ডের দ্বারা কোনো শুনানির আদেশ দেওয়া হলে তবেই কোনো পক্ষের দ্বারা আপীলে নতুন তথ্য জমা দেওয়া যাবে।

আমাকে কি একটি লিখিত বিবৃতি জমা দিতে হবে?

আপনাকে কোনো বিবৃতি জমা দিতে হবে না, তবে আপনি ALJ'র ঠিক কোন সিদ্ধান্তের সঙ্গে একমত নন তা আপীল বোর্ডের সদস্যকে জানাতে আপনি একটি বিবৃতি পাঠাতে পারেন। আপীল বোর্ডের কাছে বিবৃতির দুটি প্রতিলিপি পাঠানো আবশ্যিক। বিবৃতিটি কোনো অ্যাটর্নির দ্বারা জমা দেওয়া হলে সেই অ্যাটর্নির বিরুদ্ধ পক্ষের ও বিরুদ্ধ পক্ষের অ্যাটর্নির কাছে সেই বিবৃতির প্রতিলিপি জমা দেওয়া আবশ্যিক।

আপীলের রায় দিতে বোর্ডের কতটা সময় লাগতে পারে?

প্রদত্ত যে কোনো সময়ে বোর্ডের হাতে কতগুলি আপীল রয়েছে তার উপর নির্ভর করে এটি পরিবর্তিত হবে। এতে আপীল দায়ের করার সময় থেকে দুই বা তিন মাস মতো সময় লাগতে পারে।

আমি আপীল বোর্ডের সিদ্ধান্তের সঙ্গে একমত না হলে কী হবে?

আপীল বোর্ডের কোনো সদস্যের নেওয়া সিদ্ধান্তের তিরিশ দিনের মধ্যে কোনো পক্ষ স্টেট সুপ্রিম কোর্ট, তৃতীয় বিভাগ (State Supreme Court, Third Department) এর আপীল বিভাগ (Appellate Division) এর কাছে আপীল করতে পারেন। বোর্ডের সিদ্ধান্তে নির্দেশগুলি দেওয়া থাকবে। কোনো পক্ষ একই সময়সীমার মধ্যে বোর্ডের কাছে আবার করে খোলার ও বোর্ডের সিদ্ধান্ত পুনর্বিবেচনার আবেদন করতে পারেন।

অ্যাটর্নি ও প্রতিনিধিগণ

বেকারস্ব বিমার শুনানির প্রমাণের নিয়মাবলী কি অন্যান্য আদালতের সঙ্গে একই?

না। দেওয়ানি ও ফৌজদারি মামলায় প্রমাণের প্রায়োগিক নিয়মাবলী প্রশাসনিক শুনানির জন্য প্রযোজ্য নয়। উদাহরণস্বরূপ, জনশ্রুতিভিত্তিক প্রমাণ বিবেচিত হতে পারে, যদিও তা সাধারণতঃ সরাসরি সাক্ষ্যের মতো অতটা গুরুত্ব পায় না।

বেকারস্ব বিমার কোনো বিষয় কি কোনো শুনানির আগেই নিয়োগকর্তা ও দাবিদারের মধ্যে মিটমাট করে নেওয়া যেতে পারে?

না। শ্রম আইন অনুসারে, কোনো দাবিদার তার বেকারস্ব বিমার অধিকার ছেড়ে দিতে পারেন না।

আমি কি শুনানির আগে অপরপক্ষকে প্রমাণ উপস্থিত করার অনুরোধ করতে পারি?

না। আপনি শুনানির আগে অপরপক্ষকে প্রমাণ প্রদান করার অনুরোধ করতে পারেন না। আপনার মামলার ফাইল পর্যালোচনার সুযোগ রয়েছে, যার মধ্যে শ্রম বিভাগের কাছে আগে থেকে জমা দেওয়া নথিপত্র এবং বিভাগ থেকে নির্ধারণের সিদ্ধান্ত নিতে যে সব নথিপত্রের উপর নির্ভর করা হয়েছে, সেগুলি রয়েছে। আপনার যদি মনে হয় যে অপরপক্ষের হাতে এমন কোনো নথিপত্র রয়েছে যা আপনার পক্ষে মামলাটি প্রমাণ করার জন্য জরুরি হতে পারে, তাহলে শুনানির দপ্তরের সঙ্গে যোগাযোগ করুন ও তাদেরকে জানান যে আপনি কোন কোন নথিপত্র উপস্থিত করতে চান এবং সেগুলি কেন জরুরি। ALJ শুনানিতে সেইসব অনুরোধের মীমাংসা করবেন।

আমি কি দাবিদারের প্রতিনিধিত্বের জন্য কোনো ফি ধার্য করতে পারি?

কেবলমাত্র নিউ ইয়র্কে লাইসেন্সপ্রাপ্ত কোনো অ্যাটর্নি বা বেকারস্ব বিমা আপীল বোর্ডে রেজিস্টার্ড কোনো প্রতিনিধি ফি ধার্য করতে ও গ্রহণ করতে পারেন।

আমি কীভাবে রেজিস্টার্ড প্রতিনিধি হতে পারি?

অ্যাটর্নি ছাড়া অন্যদের রেজিস্টার্ড প্রতিনিধি হতে একটি আবেদনপত্র জমা দেওয়া আবশ্যিক। আবেদনপত্রটি ও কোনো সমর্থনকারী নথিপত্র থাকলে তা মুখ্য প্রশাসনিক আইনের বিচারক (Chief Administrative Law Judge) এর দ্বারা পর্যালোচনা করা হবে। প্রাথমিক প্রয়োজনীয়তা পূরণ হলে একটি সাক্ষাৎকার নেওয়া হয়। মুখ্য বিচারকের অনুমতিতে ও জামিন মুচলেকা পাওয়ার পর আবেদনকারীকে রেজিস্টার্ড প্রতিনিধি হিসেবে তালিকাভুক্ত করা হয় এবং তিনি বেকারস্ব বিমার মামলাগুলিতে দাবিদারদের প্রতিনিধিত্বের যোগ্য হন।

একজন দাবিদারের প্রতিনিধিত্ব করার পর আমি কীভাবে ফি এর অনুমোদনের আবেদন করবো?

আপীল বোর্ডের রেজিস্টার্ড প্রতিনিধিদের পরিচালক প্রবিধানগুলি, তারা কখন ও কীভাবে ফি গ্রহণ করতে পারবেন তা সহ, আমাদের ওয়েবসাইট

<https://uiappeals.ny.gov/system/files/documents/2019/03/appeal-board-rules-and-regulations.pdf>-এ দেওয়া আছে।

অনুমোদিত ফি এর রাশির অনুরোধ কি সরাসরি দাবিদারের বেকারস্ব সুবিধার থেকে আসবে?

না। অনুমোদিত ফি এর রাশি দাবিদার সরাসরি প্রদান করবেন।